

山東府縣志輯

中國地方志集成


民國鄒平縣志

中國地方志集成


山東府縣志輯 ②6

民國鄒平縣志

鳳凰出版社 ● 上海書店 ● 巴蜀書社



民國鄒平縣志



樂鍾珪 趙咸慶 趙仁山 纂修

本書十八卷，據民國二十年（一九三
一）重印本影印。

鄒平縣志原序一

濟南之鄒平在古爲鄒侯國漢稱今名有伏生勝傳
尙書秦火之餘名傳後世而宋范文正公仲淹嘗讀
書縣之黌堂嶺書堂在焉邑多文人予按部至謁伏
生祠墓與諸生講學望長白山雲氣來接賦詩樂之
徵縣志文字多磨滅不辨縣令徐君聖齊彬彬文學
君子也以扶墜補闕爲已任請從事修輯是時比部
張舉之請告家居藏書多善本博采勤蒐進士馬宛
斯討核詳實而吳門顧寧人自上谷來悉授以校之
書遂成三君之言曰志者一邑之掌故貴事核而言

鄒平縣志

原序

簡核取其微簡取其嚴非若世之文集家乘遊山記
可矜奇而務博納交而貢諛也君子以爲然故徵文
考獻網羅遠近放失而向所附會及詞不雅馴者皆
辨正芟去其載在編者皆可信而可觀也六郡惟濟
南登州二志燬余既從史成登州志而濟南缺焉以
爲憾苟得賢有司及士大夫踵而成之是可以爲法
焉舊志四卷刻於嘉靖十二年今更定之凡八卷順
治己亥督學使者宣城施閏章叙

鄒平縣志原序二

覽馬宛斯先生繹史卷一百六十而知鄒平邑志當
成於其手宛斯邑之名家也其時又以學使施尙白
爲之序乃蒐嘉靖十二年舊本凡四卷更爲八卷噫
亦云善矣今纔週甲子其間政治得失丁戶繁簡風
俗醇疵科目斷續文藝刪存已大有不同若姑以云
待卽再閱六十年而故老無人遺文散失後之視今
亦猶守嘉靖舊本云爾是司土者之責吾鄉程君霽
江保障茲邑不減太邱毅然已任以爲鄒平建置遠
不具論自前明以及我代爲濟南屬土田衍得沙

鄒平縣志

原序

河白條溝泉流之沃潤民稱不貧又有長白黃山諸
峯紆綢磅礴人生其地亦頗不佻士敦實行尙氣誼
官中朝者皆嶽嶽懷方多所建白余按學青州兩過
於此北望鬱葱烟樹迷離曰是漢伏生當祖龍焚書
之後年九十餘以腹記口授尙書故墟也過黌堂嶺
下冉冉雲光拂我衣帶曰是宋范文正公下帷處也
且諫輒焚草者若而人清可飲冰者若而人志堅泉
石節矢柏舟者若而人豈非土厚風淳物產靈異與
前賢煜耀輝映者乎莫爲之前雖美弗彰莫爲之後
雖盛弗傳霽江蓋懼墮前美而輟其後也於是補輯

精嚴而稍稍益其志於八卷之外請序於予予嘉其克紹前令徐君聖齊又徵邑紳士成劉諸公復校於馬子瑜諸人瑜則宛斯先生令嗣也可謂踵事增華於今爲烈已惟子文采殊遠遜尙白而勉爲掇其句於端康熙丙子督學使者山陽劉謙吉撰

鄒平縣志

原序

三

鄒平縣志原序三

國有史邑有志古已志也者非以侈陳景物實以宏獎人倫誇多闢靡無取也予治嶧山左眺二東之山水披六郡之成書星分女虛地控海嶽洋洋大國炳載藝林我

朝

自一統志告成輿圖版籍一覽大觀而濟南屬邑之

鄒平志始修於徐君今程君重修之補闕拾遺遠蒐近采條理井然足婉信史予嘗東望長白醴泉舊刹掩映於烟雲飄忽中其文正公讀書舊蹟乎且弔荒祠瞻墓木伏生至今存可也鄒邑古文獻地得以傳

鄒平縣志

原序

四

之不朽者程君之力居多雖然誌者志也心之所之謂之志一道德以同風俗所以定民之志而不在方輿紀事紀言紀人之末也是不能不厚望於宰茲土者是爲序康熙丙子山東鹽法道銀城李興祖題

鄒平縣志原序四

古先王肇置封建列爵分土凡載版圖悉歸聲教故
邾莒屬居屏藩滕薛亦備附庸自漢唐分裂郡縣而
星羅棋布雖黑子彈丸輶軒所至並足備太史之採
風所以國有史邑有乘其關係均至重也鄒平爲古
鄒侯國其間星野川嶽方域城池戶口賦役官師人
物以及風土文章忠孝節義傳聞之散軼時事之災
祥莫不賴有淹雅鴻博之士出而詳其記載宏其纂
集以備掌故垂爲一代之書然斯於司牧者實與有
責焉余於戊辰春奉

鄒平縣志

原序

五

命承乏茲土甫下車巡視城垣因陟瀝譙眺山川之形
勝觀人民之繁萃卽以疆域井里溝洫畝畝之大畧
詢之吏人而吏人蒙然張口如墮雲霧余爰取舊志
披覽見其支離附會疑信相參齟齬各半蓋此志乃
前令徐君修於己亥歲迄今閱四十年所矣其中官
職有代替人物有興謝時會迭變因革不侔不獨田
隴移畛屋樹易主卽清河潞瀛滹蕩遷徙均失其故
道刻舟膠柱聳見互舛余於是深爲慨惜欲重加訂
証以資考徵緣簿書缺掌猝猝無暇暑致曠此志者
八載比歲黍稷時登雀鼠日簡廼請邑之紳士有聞

望者相與參訂而校讐之去疑以存信芟繁以就簡

復撥馬苑斯先生舊志遺稿用宏潤色適其令嗣子
握手示一冊爲志補遺時余小阮復至自邗江是亦
能夙擅著作之林者刻意丹青益相考核爰編輯以
類序之分爲八卷於是文獻燦然稱大滿焉是集也
二子修飾討論而余特纂定以集其成非敢自負
爲董狐之筆也然輶軒問俗太史採風持斯編以往
亦不能無小補云康熙乙亥知鄒平縣事天都程素
期撰

鄒平縣志

原序

六

鄒平縣志原序五

鄒平李大令西圖以志藁相質自稱采訪者十有四年付邑拔貢成敗洗舉人成耀攻纂拔貢王方珊舉人王方瑚進士李景嵩董校勘成書案志圖與古不合者以今目驗得之說與衆殊者以徧徵古書得之爲之注爲攷八表五志四首以總紀提其綱以古名舉大畧證長白山有肅然名以濟潔見經典沿討上游謂潔已輟流其小清爲古濟瀆大清則潔渠今受濟水者語爲閩通宋人謂濟瀆湮者不知河流徙移其水白在潔亦此例也鄒平故地大割附它邑漢鄒

鄒平縣志

原序

七

平之潔今澗地入齊東今求得漢故縣在孫家鎮又於魏王城求得赫胥氏陵證爲東朝陽城確在齊東舊屬鄒平尤爲誠篤好古之徵不粉飾故蹟天子表章師儒允臣工請立伏氏博士邑人士彌識所矜嚮其山川之槃鬱風俗之忠厚田土賦役兵防驛遞之成讞與夫先正政蹟鄉先生懿行流風及匹夫匹婦之志節可傳者誠宜芟輯論定視已成事有所興起語云君子愛人小人易使不於斯志重有賴歟辛酉秋余奉

命典試大令與分校信其不愧儒吏比視學車過鄒

平相見益親人樂道其賢今修志成所屬能知人於

舊志從馬宛斯之意能定取舍所補僅百年事而於古多訂正又非官重眎其民民安其政固無暇及此是可爲伏生鄉人喜者也嘉慶八年歲在癸亥夏六月

文淵閣直閣事內閣學士兼禮部侍郎提督山東學

政西江劉鳳誥撰

鄒平縣志

原序

八

續修鄒平縣志原序六

志以傳信貴於紀實蓋志與史並重無取乎揚
厲侈陳而泛爲撫拾焉

今上道光拾陸年歲在丙申季夏之初余奉

簡命來宰梁鄒下車伊始接見邑孝廉成肅中先生
聆其言論丰采心竊欽之既而攜所纂邑乘副
本函請修輯余應曰此當務之急而守土者之
責不容辭也因於公餘翻閱全帙見夫疆界星
土里社爲一書戶丁田賦鹽法爲一書城池學
校官署爲一書而且建置山水古蹟有必記封

鄒平縣志
原序

建職官選舉地封有必記至於忠烈孝義儒林
文苑良臣以及烈女流寓藝文雜說莫不條分
縷晰原原本本殫見洽聞茂矣美矣煥乎鉅觀
豈但漢伏生夫子之傳經溫錯而功在名教宋
范文正公之下帷黌堂而學裕賢輔足以輝煌
典冊照耀耳目爲億萬載人口膾炙哉志藁出
成君手余加芟潤捐廉百餘金以襄其美嗣復
商之兩學博暨同城寅好涓吉與工用付剞劂
經三月而藏事茲舉也成君克倡厥始兩學博
暨同城寅好克贊厥中而余則克成厥終者也

工既膚敏器實精良穀旦告竣僉曰都哉爰珥
筆叙其原委弁諸簡端紀寔也卽以傳信也謂

足備異日輶軒採入

國史焉可也

持授文林郎湖南桂陽直隸州臨武縣庚申科舉人
知鄒平縣事書田羅宗瀛撰

鄒平縣志

原序

續修鄒平縣志序

民國三年五月前縣知事彙君星壑調考去任余奉檄攝篆斯土星壑臨行時諄諄以重修邑乘一事囑余蓋星壑與邑紳徐君化南王君獻五諸君子議定續修尚未開纂也立馬長亭殷殷囑付余何人斯躬建其盛夫一邑兵農錢穀典章經制凡足以驗興廢察治忽備爲掌故可資考鏡者胥惟志書是賴惟去古愈遠變遷愈雜續編亦愈難即起歷代古人相與探討商榷恐亦不易詳盡矧民國肇造千載一時其政教之轉移人文之升降因革捐益率多更異苟非

鄒平縣志

序

榮榮碩儒操觚從事精心纂輯而欸粹然一帙遽告成功不尤戛戛乎其難矣余學殖荒落蒞鄒已五閱月簿書鞅掌日無寧晷愧未能遍訪漢伏生范文正張長白馬宛斯諸勝迹一闕眼界今幸志書已成將付剞劂見夫山川鍾毓人物菁英往復播遷厯厯如繪較舊乘猶爲美備不第徵文考獻足備國史之搜羅且將砥士風礪士俗顯標淑慝於既往隱寓勸戒於將來使守土者手置一編或循跡以議政或因地以制宜留心國計民生整飭綱常倫紀潤色鴻業開拓文明則星壑與纂修諸君子造福於鄒也大矣若

僅日爲淹貫博雅踴躍事增華豈集賢開館之本心哉

余聊弁數語黃山黛水之間藉留飛鴻爪印并慰星壑之天涯倦注云爾中華民國三年歲在甲寅九秋現知鄒平縣事淮南古壽春趙咸慶稷輔氏撰

鄒平縣志

序

續修鄒平縣志序

民國二年春除服官本省之禁余以魯人宰鄒平魯人治魯事關係所至固無敢頽脫者越半載邑議長徐化南先生及紳士諸君子請于余曰鄒平縣志自前邑令羅君宗瀛重修後于今七十有九年矣其間教育興廢實業良窳物產增減幾經變更與夫仁人孝子節婦烈女名流耆彥時有所聞苟漫無準則長此湮沒也亦憾事幸先生蒞茲土及此時籌集的欸兼主筆墨可乎余應曰可意爲勸能表善縣尹職當其樞後之人據邑乘而考故事苟無可稽有司之責

鄒平縣志

序

三

況夫武功僉禍亂文德致太平際此時代過渡國基甫定教育製造日事改良孝義節廉微且掃地及此時而不揚厲之表彰之則物質之文明國粹之光華其何以披達而激勵之以培養我國脈耶若然則縣志之續修蓋有夫不可以已者歟而或有詰余者曰國事日亟庶政待興在在需款其宜修舉而急于縣志者何限子必亟此殆好爲守舊思助長世人之名利心而師古人愚民之故智也哉余曰不然名心熾胸生翅利心肆腹生刺人生自赤子時响則笑叱則啼至黃耆易簪屬續名心不死人生自赤子時與則

喜奪則噉至黃耆易簪屬續利心不死聚天下億萬

人之名心利心伏于翅下窘于刺中鬱而不舒湮而不達卒之名心不死死於名利心不死死於利苟嘿坐而省循焉名也利也從虛幻生從顛倒起生生死死曷其有極古人之治世也治心治心者治名利耳雖然敦倫立節愛國濟人名心也良心也人方心冷之我以心熱之講生計謀幸福營商勸工利心也雄心也人方心熱之我以心冷之總操夫冷熱生死之名利心橫覽人情俯察時局如蟻蟻春雨螺蟻祝泥此名利外之名利心也余何嘗超出於名利心心生

鄒平縣志

序

四

死冷熱之外也者特欲納斯人於名利軌道之中非助長之又安有愚民之纖芥哉夫我國國魂所以不撓不屈而光耀於人寰者惟此文化禮教道德倫常昔爲各國先導今爲世界獨步此蓋我先民壅培滋釀而漬染於匹夫匹婦之心理者也鄒平民俗敦龐人情習尚饒存古風故禮失在野葆守獨真惜也鎖閉心勝進取心薄拘泥於名利渾化於名利耳余此次爲續修縣志之倡籌款已過半數委王趙諸君爲編輯任徐劉諸君爲調查其用意也在發揚潛德開鑿風氣其立體也仿笠澤之叢勝亦不避夫壹鬱非

噫嗟無隔搔耳嗟夫死灰不可溺斷脰不可踐東塹
無勢玷玉可虞腐蟹無味豆漆有餘世有達者其獲
我心邇者政局一變本省服官轉須迴避余以調省
送考未得觀縣志之修訖其間補救贊助幸賴繼任
趙稷輔先生總集大成余亦可無憾矣茲適編輯告
竣將付梓人邑諸紳函囑余爲之序余故揮翦冗筆
作噫嗟言郵而弁之時民國三年秋九月前鄒平縣
知事棲霞藥鍾垚星壑氏撰

鄒平縣志

序

五

修鄒平縣志姓氏

明嘉靖十二年修輯

鄒平縣知縣武進舉人葉林包巷

祁縣知縣邑貢生張松元喬

國朝順治十六年修輯

鄒平縣知縣太倉舉人徐政聖齊

崑山布衣顧炎武字人又名備又名絳又字亭林

刑部郎中邑廩生張萬選

靈壁縣知縣邑進士馬驥宛斯

康熙三十四年修輯

鄒平縣志

姓氏

鄒平縣知縣繁昌歲貢程素期墓沙 壽江

繁昌歲貢 程之芳借山

繁昌生員 程之奎梅峯

欽縣監生 程麟德蔚黨

鄒平縣教諭 臨清謝逢辰決庵

鄒平縣訓導 諸城王沛悌

太原府同知邑進士成晉徵昭其

河南道御史邑進士馬光幼實

程鄉縣知縣邑進士劉廣聰穎士

嘉慶八年修輯

總修

鄒平縣知縣 李瑗林 西園

鄒平縣知縣 翰林院庶吉士 董大醇 映珊

鄒平縣教諭 程述程 澹西

鄒平縣訓導 王同之 普菴

鄒平縣把總 寶雲龍 蒼雨

鄒平縣典史 程廷利 雲飛

鄒平閭縣紳耆承修

道光十六年修刊

鄒平縣志 姓氏

總修

鄒平縣知縣羅宗瀛湖南桂陽直隸州臨武縣庚申

恩科舉人

同修

鄒平縣教諭周培烈青州府博興縣戊辰 恩科舉人

人

鄒平縣訓導周懋坦萊州府濰縣丙子科舉人

鄒平縣典史楊際春山西靈石縣監生

鄒平汛把總李承業濟南府歷城縣武生

鄒平閭縣紳耆承修

中華民國三年續修鄒平縣志姓氏

總修

鄒平縣知事 竇鍾圭 星室

鄒平縣知事 趙咸慶 稷菴

協修

鄒平縣區官 鄭芳 東陽

鄒平縣巡官 趙致和 育卿

鄒平縣管獄員 張永勳 筠青

承修兼採訪

徐召棠 化南

鄒平縣志 姓氏

編纂

趙仁山 壽堂

陳化棠 蔭南

王慶雲 獻五

王維棠 蔭南

採訪

張安輝 煒堂

崔守近 性齋

劉鵬齡 翔九

郭錫鴻 晉生

督梓

李夢階 瑞莫

寇守緒 振卿

司書

夏夢璧 荆山

婁兆倫 叙五

鄒平縣志

姓氏

二

例言

鄒平志作於明嘉靖十有二年乃葉君林所修原四卷

國朝順治十六年徐君政重修是時馬宛斯先生爲之討論顧亭林先生爲之校編施尙白先生爲之序卷分爲八目三十有二首著弁言節加跋語山川景勝各系以詩其例甚善康熙乙亥程君素期重編盡變前法不合體裁而又不錄葉序疎矣今新志仍倣古式

鄒平縣志

例言

鄒平自漢以來事有見於國史關乎大體者宜特筆書之迺倣古人大事記之例另爲總紀一卷冠諸編首

建置攷乃事關政體者舊志兼入園亭墳墓而養濟院附於學宮後又后妃列選舉攷中皆失體例茲謹爲別出事以類紀也

梁鄒鄒平古今沿革漢唐城址黃河濟漯水道與伏子墓見於史志者多有可據舊志采輯未備間有撫拾又往往失攷新志據廿一史水經注元和郡縣圖志寰宇記詳爲訂正各述原委鄭簡菴新城舊事以詳確爲主漁洋先生亟取之今亦竊比

此意

山川古蹟必詳攷載籍驗以足跡所經方有確見胡朏明禹貢雖指最爲精鑿然一鄉一邑胡氏豈能遍歷如梁鄒故城濟漯水道或有不盡確者又如于氏齊乘王氏長白山錄閻氏尙書古文疏證等書皆一代人文號稱博洽而其中亦每失攷新志所駁正非敢唐突前輩第據古人之書証以目見之形勢不容附會以終沒其實故耳

陸鈇山東通志於山川古蹟有前人詩賦記文者皆分隸其下沿革廢興之詳及前人游覽題咏之

鄒平縣志

例言

二

迹可以一覽而得甚合體裁程君鄒平志詩詞叙記並彙入藝文攷中既乘古法復令覽者難於翻閱今仍倣陸氏通志之例

表所以通紀傳之窮歷代史皆用之舊志職官選舉俱上下兩行臚列其名殊非古體今依史例各爲表

李南潤歷城志凡例云近代志傳不稱名而稱公此誌狀之辭非史體也非唯文不淳古且使讀者數行後不知稱謂何人羅存齋志其郡一例稱名獨於父汝楫始稱公明武林徐氏嘗力辨稱君稱

公之非體今亦倣之以存史例

歷城志又云史傳前列祖父後列子孫一可附見家世一可事少者省別爲傳此例甚善今從之溫公作資治通鑑先倩友人排比諸書紀錄之言粘幅二丈許溫公乃據之以加筆削古之爲紀傳者當盡如是茲於宦蹟邑賢兩攷謹倣排比之例各成傳畧以俟後之能筆削如溫公者程志藝文攷所載詩詞畧古人而多入時咏茲檢前人名作就其原集中擇咏鄒平景物者分載各門此外凡舊志所存而稍近於雅者亦不敢刪去

鄒平縣志

例言

三

至時賢吟咏其人現存者例不錄

歷代金石諸志俱載碑目碑式史家藝文經籍諸攷惟詳姓氏篇目皆不錄其全書茲於鄒平金石著作自漢唐迄

國朝乾隆六十年考人代誌名式詳篇卷錄叙文從史例也嘉慶元年以後者留待後人補輯

舊志雜志載樂儀祭器存古之禮樂亦邑志所應有者新志於秩祀分附各壇廟下使將事者有可攷據

邑志有八景始於田汝成西湖志近時最爲濫觴

舊志拓爲十六景亦不過複敘山水耳去之以著其潔

毛奇齡因蕭山縣志踳駁失攷著刊誤三卷已鈔入

四庫全書附地里之後簡明書錄注云取以殿後者一使閱志書者知其附會夸飾不可引爲證據一以知所戒也昔顧亭林在永平或屬爲府志猶援郭造卿十年而成燕史以今無其時無其學謝之作志不可不慎如此新志雖詳細攷核不敢蹈無鄒平縣志

例言

四

知妄作之譏然聞見所未及者正多更所望於後之君子

鄒平縣志 目錄

序

修志姓氏

例言

目錄

方域沿革圖

卷一

總紀

卷二

方域攷

沿革 疆界 星土 里社

鄒平縣志

卷一

目錄

卷三

賦役攷

戶丁 田賦 鹽法 雜稅

卷四

建置攷上

城池 學校 官署

卷五

建置攷下

壇廟 兵驛 坊表

卷六

山水攷上

卷七

山水攷下

卷八

古蹟攷一 城址

卷九

古蹟攷二 墳墓

卷十

古蹟攷三 園亭

卷十一

古蹟攷四 寺觀

卷十二

表一 封建 職官

鄉平縣志

卷一

目錄

卷十三

表二 選舉 隨封 襲爵

卷十四

宦蹟攷

卷十五

人物攷上

卷十六

人物攷下

卷十七

藝文攷上 金石

藝文攷下

卷十八

雜志上 風俗 物產

雜志下 災祥 軼聞

鄉平縣志

卷一

目錄

三